

Presbyterian Church in India (Reformed)



MESSENGER

VOL. 42 NO. 11

NOVEMBER 2025



KUT
NOV. 01

SUNDAY SCHOOL EXAM
NOV. 02

PCF SUNDAY
NOV. 09

THANKS GIVING DAY
NOV. 16

VILLAGE SCHOOL EXAM
NOV. 26

Kum Thupi
Tawplou in thum un



Nov. Thupi
Siamsinna & tate adia thumna

Editor :
Rev. Dr. Khen P. Tombing

A tuun khakte

PRODUCTION TEAM

Editor

Rev. Dr. Khen P. Tombing
C/No. 9862088190

Jt. Editor

Rev. Dr. G. Pau Muanthang
C/No. 7085645785

Contributing Editors

Elder S Khamminthang
Pastor M Khamlianmang

Cir. manager

Elder C. Biaklun

Kipahthu genna 01
lungput

Elimelek leh Naomite 03
apan sinlai

Thutak genna a 08
pau dang zat

Mahni Kithat 15

GA 2025 21
Program

Thu tuamtuum 27

Thumna Pitu 30

A sung a **THU KISUAHTE**
EDITORIAL BOARD
ngaihdaan ahivek tuan kei

Printed, published and edited by
Rev. Khen P. Tombing
at Thawmsons Color Press
for the Presbyterian Church in India
(Reformed)

1 CORINTHIANS 13:13

And now these
three remain:

**FAITH,
HOPE
AND LOVE.**

But the greatest
of these is love.

love.

KIPAHTHU GENNA *Lungput*

Lai Siangthou a mite i et vengveng chiangin ahinkhua ua thiltung leh haksatnate tungtawn a kipahthei leh lungkim theiveve mi bangzah hiam i muthei hi. I muh dan akibang kim sipsip kholkei maithei. Himahleh a tangpi in mi sawm lak a 3 telkhe ding chile hiaite a telkha vek ding un ka gingta hi. Huaite ahihleh: Job, Paul, leh Mari.

Hiaite hinkhua i et chiangin a thiltuah uleh a tung ua thiltungte un kipahna leh kipahthugenna ding himhim pawkhelou a bang hi. Himahleh huai gimthuakna, haksatna leh zahlaknate tunga lengin a omdan uleh kampaute un Pathian tunga lungkiat leh khasiatna lamsangin lungtang *kipahna* (*attitude of gratitude*) toh vualzoutakin hing uhi.

1. Job: Khristian kichi Job hinkhua theilou tawm mahmah ding hi. Job hinkhua tuh kipahna sangin dahna, lungkhamna leh mangbatna in a pumtuam hinkhua ahi chi leng i khial lawmlawm kei ding hi. Aziak a zal ding theihloun atate teng leh a neih-le-lam nikhat thu a mangthang hi. Huai hun ah lungkham mangbang a Pathian tung a thangpaih sangin, “*Ka nu sul akipan vuaktang in ka hong, huai lam ah vuaktang in ka kik ding. Toupa’n a pia a,*

huan Toupa’n a lamangta hi; Toupa min phatin om hen” (*Job 1:1*) chih toh Pathian thupina a pia hi. Job in Pathian tungah kipahna lungput a nei hi.

2. Paul: Thukhun Thak a Paul hinkhua i et chiangin, haksatna leh gimthuakna genvuallouh i muh thei hi. Pianthakna kichiantak hong neih akipan in nidang a amah pakta leh suang mahmah teng a melma leh amah thah ding sawm in hun lemtang zongzong mai uhi. Mihing

bawl haksatna leh gentheih sakna
kia leng hun i sak lai in mihing bawl
hilou haksatna, gamsa, huihpi
vuahpi leh tuikihotte zia kin sihlloh
dekdek zomah hi (2Kor. 11:23-28).
Hiai bang tengteng thuakin haksatna
bangteng pal leh leng Pathian ah
kipahna lungtang nei in kipak veve
mite Pathian a kipak ding in a hasuan
hi (Phil. 4:4; 1Thess. 5: 16-18).

3. Mari: Lai Siangthou a Jesu
pianna nu Mari i chih zong numei
sapsap dia dinmun haksatna,
zahlakna leh sihtheihna dinmun pal
khopa hinkho nuamlou zang khat
ahi. Pasal neiloupi naupai chih
mawk pen, huai lai Juda khotang
lak a hin ngam huailou ding khop
zahlakna ahi. Huai a zahlakna leh
minsiatna behlap dingin, pasal nei
dia a kikham lai ua huai bang a
tunga thiltung hi sawnsawn lai hi
(Matt. 1:21; Lk. 1:34-35). Khovel
leh mihing lam et in tuh ahin ngap
huai kei mahmah mai hi. Himahleh,
hiaite tengteng thuak mualsuah leh

Pathian tunga kipahna neitheih in La
dawng bang hon sakhe theih hi (Lk.
1:46-55).

Awle a tunga i gente mihing
hintheihna tuam (superman) bang
hilou uhi. Ei bangbang mihing hihna
leh ngeina neitheih ahi uhi. Hitamahleh,
a hinkhua ua thiltung leh a tuahte
uh i et chiangin kipahtheihna ding
himhim omlou dinmun leh
haksatnate ahi. Hitamahleh,
amaute neih Pathian in huaibang
hun haksatna leh zahlak huai munte
ah leng ompih in gualzou leh etton
huaitak in pal galkai uhi. Tuni'n
khovel ah i thiltuah leh haksatnate
lungkiakna, Pathian tunga
thangpaihna leh lungkimlouhna
ding lam in i enkha hia? Hiai a tung
a miten huai bang haksatna a
thuakte uh a gualzohpih theih leh
eite amau Pathian neihmah beten
leng lungkimna leh kipahthugen
theihna hinkhua i neitheih hi. Huai
bang hitheih ding Pathian in tukha
hon vualjawl hen.

ELIMELEK leh NAOMI-TE APAN *Sinlai*

- Pastor M. Khamlianmang Bethany PC, Singngat

Laisiangthou ah insungpa tamtak ettoh tak om a, Nu tampi leng tumahbang in etton huai mahmah bangzah hiam om hi. Tuata lak ah Elimelek te nupa apan sinlai tampi sinkhiak theih ding om hi. Hiai anuai ah bang zah hiam enkhom in hinkhua ah zui leng uthuai isa uhi.

Manohna ding chiantak theilou a paina (Ruthi 1 : 1- 3).

Kum bangzah hiam paita in Thangpu leh alawm te sepna ding mun thak zong dingin kisa ua mi 15 te Bus a tuang in kipan khia uhi. Hun bangtan hiam atai zoh nung un Bus in tuahsiatna tuak in avek un si uhi. Mi khat in athugelhna ah “Mihing in athiltup leh gelte semsua ding in pan ala thei, himahleh Pathian in a lohchingsakin, a lohsam sak thei hi” achi. Pathian deihsakna leh lemsakna lou in kuamah in thil asemsua thei taktak kei hi. Hiai toh kituakin Elimelek hinkhua I enkhom ding uh.

Elimelek in leng kial hongkia a hunhaksa tak a aom lai in, a inkuan ua damna leh suahtakna ding zong in Pathian thuchiam muan sangin Moab gam ah lametna hing a koih kha hi. Amah ngaihtuahna ah Moab in khosakna nuam zaw leh nektak kiningching zaw pedingin ana lamem hi. Huaiziakin Isrealte maban ding	Pathian gelsa pen sangin ama hoisakna lam ana tel zaw hi. Kialpi pen thuak mualsauh zou ding a kigingta lou ahi ngei ding, Pathian gamchiam leh tanghou inn (Bethlehem) nusia in a inkuante taikhiak pih hi. Sawtlou nungin amah leh atapate hinna Pathian in laksak in azi leh amoute kia khosa
--	---

uhi. Elimelek amah leh amah kimanggilh a, a inkuan ua Israel Pathian nna sem a Toupa a aginna uh kemit a Pathian tak biak ding, thukhun bawltu Pathian toh kithuah ding ana tellou hi. Pathian thupiak zuihna akipan taikhia in khovel nopna leh lungkimna ana delh hi. Alampi tot pen amah ngaihin ahoihzaw leh suahtakna bang a akoih pen sihna leh inkuan kikhenna in zuizaw hi. Israelte ading a gamchiam Kanaan gam tuh tunglam apan kiningchingna ahi (Amos 7:17).

Elimelek in gamdang a hinkhua thak zang dingin thupukna leh lemgelna bawlin kal asuan khia. Hitamahleh Pathian in alamzangsak kei mawkh hi. Elimelek thil hikhelth tuh Pathian deihdan zui a khosak sanga mihing ngeina dan bang a mahni lunggullhna leh hoisak bang a paina ahi. Hiai mah tuh Eden apan khelhna ana hitou den mawkh lailai hi. Eden a Evi in Pathian dan kalhin khelhna ana tel a khovel ah sihna hon pawlut hi. Abel tung a Pathian deihdan hong ksep Chiang in mihing deihdan toh kikalh kha ahihman in theihshiam louhna hong piang hi. Gamdai a

Israelte Pathian dan kalh a gamtang a om a, a genhakna zia kun vakvaihna thupitak tung hi.

Pathian deihdan zuilou a mahni hoisak dan a paina ah lohchinna leh lungmuanna aom kei. Khristian te ading a poimoh pen zaw Pathian deihdan a kituklut a Amah Lalpenna nuai a khosa dia kiman gige a om mah ana hi gige. Huaiziak in thupukna khat peuh ibawl ding Chiang in Jakob 4 : 15 a agen bang in “...*Toupan pha asak leh idam dia, hiai hiam, huai hiam ihih ding...*” ichih ding uh zaw ana hi mahmah e. Sam 127:1 “Toupan in a lam kei leh, a lamten a semgim thawn phet uhi: Toupan khopi a ven hoih kei leh, a vengmi a hak thawn lel ahi” achi. Banglam peuh a Toupa chihdan mah chia a, Amah muang in a deihdan in aw chi thei chiat lehang uthuai kasa hi.

Tuahsiatna thumanlouhna (Ruthi 1: 4-5)

Elimelek hong sih zoh in a inkuan te a kholam uah akik tuan kei ua, Moab gam ah a teng kip deudeuh uhi. Agaltaina gam uah nuamsa tak bang in khosak hon sawm veve uhi.

Moab mite zi leh mou a neih ding lemsa in Ruthi leh Orpa tuh zi ding in honnei uhi. Hiai tuh Mosi tungtawn a dan piak a om, Pathian phal hetlough thilte lak a khat ahi(Deut. 7:3-4). Thukhun Thak ah leng ginglou mite toh hakkol puakkhawm phal ahi kei. Hiai a Elimelek inkuante khelhna tuh kialziak a Juda gam Bethlehem nusiat ban ah Moab mi ginglou mite zi a neih khelhna hon sem zom uhi. Pathian thuchiam muangzoulou a mahni deihtelna a pai a khosakna in khelhna baihlam tak in tun hi. Huai in sihna tanpha tun ahihman in thil lauhuaipi ahi.

Malon leh Kilon in zi hon neih zoh nung uh kum tam pai lawmlawm lou in vansiat huaitak in anih un hong situaktuak uhi. Huchi in ittu ding pasal leh kemtu ding tate omlou in ahinkhua nanung Naomi in hiai leitung hinkhua hon zangta. A lungsim ah bang angiahtuah dia, bang lunggel anei tazen de aw maw?. Amaban ding agel chiang in bang phukha mah bang ding hi. A hinkhua angiahtuah ding a, apasal in Bethlehem nusia a Moab gam a pai ding a agenlai a bangmah genlou

ana zuh pen hihhoih akisa diam, hihkhial lua bang in akikoih diam? Sa vengvung a aom gintak huai hi. Apasal thupukna bawl khelh dan amukhe ding a, amah paulouh khelhna te mukhia in hun honzangta hi. Khelhna leh thulimlouhna ten vangtahna tun sek mah ahidiam chih hon ngaihtuahsak mahmah hi(Num. 32:23). Tuabang haksatna leh vangsiatna hunte Pathian hon nusiati hun chih bel ahilpah kei. Huchibang hunte a Pathian houpihna leh thilgel te kilatna hun hi zaw zel hi. Khelhna gah thuakding om ahilei in tuabang thuakna pumpel theihna leng Pathian a om ahi chih leng hon musak hi. Pathian in atate aziak omlou pi hon thuaksak kei ding, thuakna haksa taktak te khalam damna tunna ding in agel zel hi. Isai 48: 10 “Ngai un, ka honhih siang ahi, himahleh dangka hihsiang bangin ahi kei; haksatna haltuina meiah ka hon chian ahi” achi hi. Pathian in a thangpailhna thuaklou din khovel mite lak apan ahehpihna ziakin hon thununna tungtawn in hon hunkhe zel hi. Corinth khatna bung 11: 32na in “*Himahleh, vaihawm saka i omin leng, khovel toh siamlouhtanga i om louhna*

dingin, Toupa taihilhin i om jel ahi” achi hi. Tuahsiatna thuman louhna gah ahih kawm kawm in hun tamtak ah Pathian in haksatna, gawtna te amite tung a atun ding aphal hi. Amah thupina, thilhihtheihna, diktatna, sianthouna sukatna ding leh amite kisiik a Amah lam ingatna ding in.

Elimelek in azi leh tate toh a khosakna ding uh ngiahtuaha, Moab gam a ahoh uh, mihing hihna dan in lunggelsiam leh pil mahmah a ngiahtuah thieh mah ahi. Mahni innsung ngaihtuahu pen in, ahoihzaw dia agngaihtuah Pathian in leng akipahpih lam ahi. Himahleh, Moab gam chiitchiat a va khoak diing ngaihtuah a a inkuan ua ahoh uh ahihkhelh lianpi ahi.

Himah e, nu leh pate’n nekdiing muhna diing a sum sinna leh nasep diing a ngaihtuah uh, ahih diing mah uh ahi. Himahleh Pathian hamsiat Moab gam tantan a khosakna diin ngaituah ziaka va hoh zaw, lohchin huai hetlou mah ana hi. Pathian thu toh kikalh punna zong a sumsin bang, solkal nna sem a dikloutak a hauhsak tumte khong Pathian

hamsiat Moab gam apem toh kibang ahihziak un, alohching un alamzang ngei kei uhi.

Elimelekte/ inkuan kumkhat sunglel khong va om dia lungsim neia Moab gam ahoh himai thei uhi, himahleh kiknawnpah thil baihlam ahi kei a, a omden ua, siatna tawpkhawk atung maimah uhi. Mihing te’n lampi diklou azuihkhak lakloh Chiang in, sawtlou om diing, hihzek lai ding, chih ahi thei taktak kei hi. Khamtheih Number 4 chiingte, zuzuakte leh dawnte, numei leh pasal kal a thangtatte, khelhna khat peuh a kibualte, kimawlina hoihlou khatpeuh a kibual te’n, atunglam in sawtpi hihsawm a a kipan atam kei ding. Himahleh, ahoihlouh dan athieh Chiang un, kiknawn a tawpsan ut mahle uh, atawpkhawk aphakma teng uh a suakta thei kei uhi.

Pathian taisan a mahni hoihsak dan a paite’n Pathian lam a kiknawn haksa asa mahmah ua, hotdamna azon laisang un leeng halhthak nawwna diing zon haksa a sazaw nuam mahmah uhi. Huaiziak in, a damdawi hoihpen zaw atuung apan thilhoihlou a va kibual selouh ahipen

mai ding. Tengkol pangkhial tuitaw tung bang hih abaihlam mahmah hi.

Thuakna ziaak a inn zuan apaina (Ruthi 1 : 6-7)

Naomi apasal leh atapa te'n sihsan a, taneilou amou te nih toh hong khosak tak in chimoh tawpkhawk in a hong om hi. A tennasa Bethlehem Toupan veh a, amite nekding apiak thute hon zanawn in, huailam a kik nawn ding in hong kisa hi. Chimoh tawpkhawk dinmun atun ma in ahieh Bethlehem lam angaihtuah pha kei hial hi. Naomi chimoh tawpkhawk dinmun atun ma in Bethlehem lam ngaihtuah phak in anei kei. Hiai tuh mihing te ngeina, chimoh tawpkhak ituah mateng, Pathian I poimoh dan theih haksisa uh. Naomi in Bethlehem lam enlou a Moab gam a alungsim a koihlai teng, Juda gama Toupa vualzawl na tungte atheipha kei hial.

hehpihna in hon ngak gige ahihdan achiang mahmah. Naomi in haksatna atuahte Kanaan gam lunggullhna hong hih bangin, leitung haksatnate, gentheihna, thilhoihlou ituahte'n Pathian gam hon naihsak ding ahi. Pathian in sapna abawl Chiang in nemtak in hon sam masa sek, huchi a kiknuamlou te haksatna in a sam, hiai paukam nem a sapna ngaihsak nuamlou mipa/minu tuh Chiang zang in a thunun zuingal sek zel. Naomi hinkhua ka ngiahtuahtuah Chiang in thumna tampi nei ding in kagingta hi. Toupa bangchibang a thumna a buan ahi ding, ahinkhua thumna hinkhua tellou hileh Bethlehem atung kik kei hial ding hi. Thumna hinkhua in thil teng ah hon paisuak pih thei gige hi. Unau ittakte aw, Khovel haksatna te'n vangam anop didan hon musak zel ahi. Huai muthei din Toupan hon vualzawl chiat hen.

Pathian lam mite'n a et mateng uh, Pathian akipan vualzawl na om pen a muh haksisa uh. Naomi in kiknawn utna lungsim ahon neih in Toupan alampi ding abawlsak. Tu amah bang in koimun peuhah vakmang mahlehang, Pathian

THUTAK GENNA A

Pau dang zat

Rev. Dr. G. Pau Muanthang

Khatvei seminar pe khin Upa khat hongpai in, “*Heutupa na seminar piak nuam mahmah ei, himahleh nang Sappau tam zangthei lua!!*” chih toh hon Chibai hi. Eh!! Kipahuai lah bang, kisanlah huai lah bang hehhuai sim lah bang in ka kilen liailuai uhi. Huai apan in thugentu in Pau zatsiam poimoh hi e maw ka chi hi. Thugenna a Eipau hong kidaihlou hun om a, huai hun chia mite theihshiam ding deihna a paudang kazat khak zel pen khenkhat a dia buaihuai pi hithei veve zel eive ka chi hi. Huai apat ka kibawlina khat ahihleh, ei pau lou, pau dang kazat khak peuhmah chianga a hihchetna hoihtak toh ka thuahzel hi. Huai ka hih chiangin thil nih ka lungsim ah aom hi: Khatna ah: Pau dang kazat pen eipau a zong huai chihna eive maw chia a theih ding uh (*word meaning theihna*). Nihna ah: Huaisang a poimoh zaw Pathian thumal in huai gen eive maw chih a theih ding uh deihna in ka hihzel hi.

Pathian in pianpih ‘Pau’ a hon piak pen i pianpih gou ahihmanin a thupi mahmah ahi. Huai Pau mah zang in amah phat, amah biak leh amah phahtawi pen akipahna hi dingin leng i gingta hi. Khovel ah pau tam mahmah in pau teng leng theihsheng ding leng ahi kei hi. Himahleh, khovel a pau tallang deuhdeuhte: English, Mandarin, Spanish, French leh Hindi chihthe ahi. Unau Burma lamte laphuah khatin, ‘Pau tam thei leng i gam lian dinga pau tawm thei leng i gam neu ding’ a chih a dik mahmah hi. Khualzin ding i sangkil i kan leh ei pau zatheihna mun tawm mahmah neu mahmah ahihlam phawk in om pah hi. I ‘Pau’ pen Pathian hon piak ahi a, i minam hihna khat leng ahipah hi. Huai ahih dungzuiin i pau mah a Pathian phat leh pahtawi leng ahi ding mah ahi. Pathian thusim, thugentu minthang leh lahphuah

siam Charles Wesley in “Aw pau sangtampi’n lasa ding hongtan Vanglian phat in” anachi a, hiai laphuaktu’n a khalam lungsim mitkha ah Pathian thupina leh phattak ahihna kilangin ‘pau tuamtuum’ in amah phat a be ding chih mu in la thupi mahmah ana phuak hi.

India gamsung kia lel ah zong pau 100 val om hi. Huaite laka India Government in pau 22 offical in India pau tangpi chi’n theihpihna pia hi. Huailou pau 121 dangte bel offical hilou himahleh India sung pau om dan a chiamteh ahi. Huai lak a eipau leng khat ahikhak ngei i lamem. Huaikia hilouin khovel a pau tuamtuum omte lakah English tuh pau tualleng pen ahi a, himahleh Chinate pau ‘Mandarin’ i chih pen minam khat pau dia pau kizang tampen ahi chi uhi. Huaiziakin i hinkhua leh i khosakna ah ‘Pau’ thei tamtam mavangin lamzang nak uhi. Kua hiam i theihna om masa hita se keileh leng ‘eipau’ a hon houpah leh ngaihmatna khat kinei in kinaihna khat hong piangsak hi. Mihingte hinkhua a pau in thu a neih dan thupi mahmah hi.

Huai ‘Pau’ mah tuh Lai Siangthou a poimoh ahihna i mu thei hi. Babel innsang lam hun ua mihing te kigawmsaktu leh thahatna petu thildang hilouin ‘Pau khat’ a apau ziaak uh ahi. Huai kithutuahna in Pathian deiham tunlou ahilmanin a kithutuahna sukbuaina dia Pathian hial kisa a anasep ahileh hiai pau kibanga paute ‘Pau’ suk buai ahi (Gen. 11:7-9). Awle hiai apat in ‘Pau’ in mite kigawmsak a huai ‘Pau’ mah in mite kikhensakin melma bang kisuah theih ahi chih chiantakin i mu thei hi. Huai mah tuni tan a i buaipih uh ahilai hi.

Tun a neuzaw deuh in ei mimal niteng khosakna a i pau zat toh kisai enzual le. I khosakna a nikhat i hun zatna sungah i pau zat suut vengveng le, eipau hilou Sappau i zat tam mahmah ding hi. Phone number na genchiah eipau nazat sangin Sappau na zang tangpi hi, thilmin na gennate ngaihtuah di: Car, pen, bus, scooter, bike, cycle, auto, pencil, chair, table, window, call, phone, message, like, subscribe, delete, meeting, postponed, ticket, pulpit, con-

ductor, chairman, president, secretary, treasurer, announcement, experience, speaker, special number, sir, teacher, madam, miss, student, traffic, leh a dangdang. I niteng hun zatna mun, mite leh a hun dungzuiin eimah pau zattheih hetlouna tampi a om hi. Huai bang munte ah eipau zat sawm teitei le, mitoh i ki kisaina leh i kisukkhaknate ah kitheih siam louna leh a hon daltu in pangthei hi. Huaiziakin ahun leh amun dungzui a ‘Pau’ zatdan i siam mahmah poimoh hi.

Pastor leh Pathian thugentuten Pathian thugenna leh sinsakna ‘seminar’ chihthe ah a ngaikhetute theih siam ding deihna in pau dang zangin hilhchian khatheih zel uhi. Kei mimal tak in leng huaibang ka hihkha sek hi. Aziak ahihleh, khatna ah: Ka thusinsak a theihchet ding uh ka deihna ahi masa hi. *Huailouin kei mimal lunglutna mahmah khat ahihleh Lai Siangthou a thumalte theihchet utna (Word Study) ka lunglut lam ahi. A ziak tuh huai thumal ahibangtaka apaubul apan i theihchet chiangin, a gen-uttak*

i thei a, huai in thanopna hon pia hi. Huaikia leng hilouin paudik suutna (grammar) toh kituak a i theih nawn chiangin agen ding tak i gensak in i hilhchian thei hi. Anihna ah: Ka thusinsak pen a thuuk zaw leh akichiang zaw a pau dang khat pansan a genchet ahihna pen Pathian thu hauhsakna leh a thupina mite theih ding ka deih ziak ahi.

Hiai bang hih a poimohna khat hon taklang leng. Lai Siangthou a Jesu leh Peter kihouna Johan 21:15-17 ah, Jesu’n Peter kianga dotna thumvei mahmah a dot tuh: *“Hiaite sangin kei non it zaw hia?”* chih ahi. Huai ah Peter in, *“He Toupa kon it chih na thei hi”* chi in dawng zel hi. Hiai a kihouna ua thupoimoh mahmah thumal tuh **“It”** chih ahi. Jesu dotna a **“It”** chih leh Peter dawnna a **“It”** chihpen eipau a kilamdang bangmah omlou in **“It”** himai hi. Hiai thumal pen a English ah leng **“Love”** chih ahimai a atuam luatna omlou lai hi. Ahihleh hiai thumal **“It”** kichipen a Pau bul Greek a i theih chet keileh hilhchet dan ding buaihuai chihna ahita hi.

Eitheih dan in Jesu dotna leng kibang, Peter dawnna leng kibang ahi mai hi. Huaiziakin Jesu'n bangziak a dotna kibang thumvei tak dong, bangziaka Peter in leng thumvei mah akibanga dawng hiam chih kithei khe zoulou hi. Huai i theihchet theihna dingin, a paubul Greek pau i et ngai hi. Greek pau in 'Itna' kichi thumal tuamtuam a nei uhi. Huaite lakah: *Agape*, *Phileo*, *Storge*, *Eros* chihthe ahi. Huai laka Jesu'n Peter dotna a azat pen ahihleh "*Peter nang hiaite sang in non Agape (it) hiam?*" chi in a dong hi. Huai dotna a dawnna ah Peter in "*He Toupakon Phileo (it) chih na thei hi*" chih toh dawng zel hi. Huchiin a tawpna ah **Phileo 'Itna'** thumal hon zangkhawmuhi. Hiai chituamna pen a Greek pau a i etlough Chiangin kithei zoulou hi. Huaiziakin, a paubul apan a suut a, pau dang vazat a louthelouh thumal omsek ahi chih i theih poimoh mamah hi. Huai paudang zat ngailou, eipau in Bible i nei vele chi in bulsuut louin thugentu kua hiam khatin hiai Bible tang hihlchet sawm taleh, a hihlchet leng a haksa dia, gen leng a genkhial hithet ding hi.

A tunga i gensa mah bangin hiai bang hunte ah eipau pen a hong kidaihlouh hun leh eipau in a genchet theihlouh thumal khenkhat pen pau dang (*ei singtang pau tuamtuamte tel in*) zanga i suut Chiangin a gen-ut hong kichian deuh om thei hi. Huaiziakin, thugen'n a thugenna a pau dang khenkhat a thugen chian zawkna ding leh theih siam zawkna dia hon zatte bang zakdah luat louh ding ahi. Huai ahikhkeileh, hiai hunlemtang la in na lungsim a Setan in nasem in, thugentu thugen ngaihkhiaak a nang a dia lak sangin, thugentupa muhdahna, iplahna leh thangpaihna toh biakinn sungah na tu beubau thei hi. Huai hun ah tuh Setan gualzou kisak in kipak in lam ding hi.

Huaikia genlouh in paudik suutna (*grammar*) bang toh hihlchian thei laile deihhuai hi. Pathian thutak pen a takna genkhiaat ding, ei hisap thu, i gintakthu khong toh Pulpit a kimawk koukou louh ding ahi. Lai Siangthou i zatkhel mahmah khat ua ka theih ahihleh "*Aw Israel na Pathian tuak dingin mansa in om in*" (*Amos 4:12*) ahi. Hiai Lai

Siangthou tang pen eilak ah Amos gendan toh kituak a hihhchian kazakha naikei hi. Ei hisap thu a genin, *'hotdamna chialpina'* khong ah *Thupi* ding bangin i zang mun mahmah hi. A Lai Siangthou hoihtak in suut in a kim leh kiang (*context*) genle Amos gen dan bang chi bang a hia chih i chiang ding hi. A kim leh kiang i et chet a i suut le, hotdamna chialpi thu toh kisaikha hetlou hi. Hiai, Lai Siangthou mun i et chet chiangin Israelte hihtheihlauh, thunun theihlauh, Pathian thumanglou a amau a hihtheihna leh hatna suanga Pathian thumang nuamlou akiphasak ahihziakin Amos in Pathian' toh kidou ding, a thangpaihna leh vaihawmna tuak dingin mansa in om un chih ana hi maimah hi. Huaiziak a thugentu in i *'home work'* Bible thu in a genut bang hi hiam chih hoihtak a i zon ding, huai toh kituak a hihhchet ngaite, ahi bangbang a hihhchet ding ahi. Huailou, apoimoh leh mite theihhsiam ding deihna a, pau bulte, paudik suinate bang leng zanga hihhchet ding ahi. Himahleh, hiaite i hih chianga eipau a gentheih hina zenpi, English hiam, Greek hiam,

Hebru hiam a vagen teitei a ki *'show off'* sawm ding bel hituanlou in.

Huai banah thugentuten thupil, hiam kua hiam khat thugen hoihte laksawn a thugenna panpihtu a zat chih om thei hi. Huai bang kituak leh kilawmtak a ahong hel chiang un, navak huai leh theihhsiam huai hong om theisek hi. Huai bang hun ah thugentute a dia pilvan huai tuh, i thulakna pa/nu pen kua ahia? Athu koi a hong kipan hiam chihte toh hoihtak a suut masak dig ahi. Athu gentu Khristian hia? hilou chih bang leng theih ding ahi. Khatvei vei khovelmi minthang khatpeuh thugen khong la in gensuk mawk chih bang leng om thei hi. Thukilawm leh tulai khovel toh kituak mahmah thu hoih mahmah chih ziaka leng gen tel teitei ngaituanlou hi. A gentu pen film star khong leh khovel mi mahmah khong ahihleh bel Pathian thugenna a athugen vazat hong kituak lawmlawm lou ding hi.

Thugentu in huai bang i hih dek chiangin i thulakna nu/pa tanchin saulou toh taklang khawm zel le

manpha diak ding hi. Huai bang leng hilou, Pastor pa'n kua hiam khat thugen kigelh khat hoih sa mawk in huai pen lasawn in Pathian in nang a tuambik a hon bawl ahi, na hihtheihna hoihtakin zangin chi'n tualaita hasuan hi. Huai a thugen pen hihhatna (*supplement*) na dingin mithupi khat in “*You have to be unique, and different, and shine in your own way*” (*Nang a tuambikna hih ding ahi, chituam na hihmanin, na deihdan a na tankhiak ding ahi*) chi in a thugen gupna di'n hon zang hi. Mipi lak a khat in hiai thugen hong kipatna leh a gentu thei kiukiau, a ngaihtuahna ah Eh!! Pastorpa le...??? chih toh a thugen ngaihkhiahtak sa nawnlou thei hi. Hiai thugentu tuh kua dang hilou in mithupi leh minthang *Lady Gaga* ana hi phing!!!

Hiai bangte ah pilvanna ding tampi om hi. Huai kia hilouin i hilhchetna zong pilvan na ding om hi. Aziak tuh i thugen sawm dan toh kituak hetloup i bang a zong mi'n i thugen lathei ahi chih i phawk poimoh hi. I thumal zat hiam, i etsakna zatte ziakin ngaikhetuten thu tuampi ana

zathe mawk uhi. Thugentu khat in naupangte lakah Zu hoihlough dan etsakna ding in: *Zuthawl sungah ganhing neuchikchikte khesuk le bang a chi dia chih toh khesuk hi. Hun sawtlou nungin huai ganhingte si pah uhi.* Huaitakin, heutupa'n etsakna pen hoihsa mahmah in naupangte lakah, tu'n zu hoihlough dan i mu tave maw chi hi. Himahleh, naupang khatin: “*Heutupa, huchi ahihleh zu dawn le i sunga natna hik omte si ding chihna eive maw*” chi hi. Hiai etsakna pen thugentupan a tup dan leh naupangpa lak dan kibang hetlou mawk hi maw. Hiai pen hoihtak a genchet ahihkei mawngmawng leh naupangten Zu dawn hoih ahi chih toh inn lam pai ding uhi.

Awle, unaute I *Pau* leh ham pen Pathian in hon piak leh i pianpih ahihmanin amanpha theipen a i zat ding ahi. Hitamahleh, khovel ah *Pau* khenkhatte mi tawmchik zat, khovel mi tamzaw a dia poimoh kha ban mahmah lou om hi. Huaite lakah eipau i chih zong hikha ding hi. Khovel a pau piching, pau hausa i chihten thuthuk leh

thiltuktakte zong genkha, genchian thei in amanphatna kilang hi. Huai bang paute a zang zong tampah a, amanphatna zong lian hi. Huai bang *Pau* ten, eipau a i genchet theihlauh, eipau in a genkhak theihlouhte nasan genchian in hihhchian thei hi. Huaiziakin huai bang *Pau* te tampi i theih chiangin, i thugen ut, i hihhchet ut thute nuamtakin kigen in kihilhchian thei hi.

Huaiziakin *Pau* tuam zaw deuh, laimal lohda tuamzaw deuhte khong thugentu in a zat khak chia zakdah bawl pahlouh ding hoihi. Huchi bang mah a thugentu khatin, a thugen i theihchet sem ding deihna a pau thuk zaw deuh leh kichian zawdeuh dia hon gen chiangin leng zadah mawklou in theihbeh ding deih in ngaihke le phatuam zaw ding hi. Zakdah bawl, phunsan, leh dou bawl na lungsim toh i om chia, a thugen i lungsim a lut nawnlouin Pathian thu hoihtak kigen taleh zong eibel lungsim khaksa in ki tu beubau theimawk hi. Huai banga i om chiangin Pathian bia chia biakinn sunga i om hangin Setan kipahna bawl kihi maimah thei hi.

Huchi bang ahih kawmkawm, a lehlam ah thugentu in zong, mahni siamna show na hiam, ahihkeileh miten siam honsak na ding lametna toh apoimoh lou tan a paudang tampi zanga thugen louh hoihi zaw hi. I tup pipen dinga ahihle, i Pathian thugen pen miten a theih siam ding uh ahi. Hitamahleh, a tunga i gentaksa mah bangin eipau i chihte khong pau hausa ahihlouh ziakin mi pau va kawm lou a i thugen chiang zoulou chih om thei hi. Himahleh midang pau i kawm chiang a zong pilvang tak a hih ding ahi. Eipau a chiangloute ngaikhetuten kichiantaka a theih ding uh chih kia i tup ding ahi. Huchia, huai tungtawna ngaihke-tute Pathian thu a theihchet ua, Pathian deihdante a zuhi ua hon semkhiak ding uh deihna ahih ding ahi.

MAHNI KITHAT!

- V. Nunlian

Mahni kithatte dam ut nawn lou taktak ahi ding uam? chih dotna Psychiatrist khat in “*Dam a ut ziaak ua kithat uh ahi*” chi hi. Ahi, a haksatna tuah uh, a koltanna ua pan dam (zaleen) a ut ziaak ua kithat ahi uhi. Ahihleh bang in kithah utna pia hiam? A medical term tak in gen tuak tampi om ngei ding hi, himahleh i tulai khovel un a nawk khakte toh kaan khawm in kikum lehang chi in ka hon gelh a, a biktak in tuailai lamte tum deuh a gelh ka hihmanin amaute sim ding in ka deih diak hi.

Social Media :

Social Media i chih mipil-misiam, abitak a Psychiatrist siam tungtuante’n bangchileh mite lungsim zou ding, bangchileh mite’n en ut ding chih gel vengveng a ahon update zel uh ahihmanin muhnop mahmah a, i lunglut dan chiat zong lehang om in et theih ziahziah hi. Mahni lunglutna lam chiat en ziahziah, i deihdandan om ziahziah ahihmanin tulai khangthakte’n Social Media mah bang a inkuan leh khotang vai leng mah a thil pai dia koih maww ahihman un amau utdan loute pom hak sa pahpah uhi. Huaiziakin, thil pomsiam theih louhna ahogn tam ban ah, thuaktheihna hon tasam

sak in, huai in thangpaihna leh ningkitelna tun hi. Gendan dang in genle, nidang toh teh a nuam i sak theih luat tak ziaak ua, neuchik anuamloute puaksiam louhna hon tun ahi i chi thei hi.

Huaibanah Social Media in enna leh hazatna lungsim sia nasatak hon tun nawn hi. A kuapeuh in mun kilawm leh changkang (thupi) te ah lim kilak (ki selfie) i ut chiat ua, ‘*Huai mun a hoh kha ka hi*’ chih mite’n ahon muhpil ding un i post khia uhi. Huai mun thupite ah hoh khak tei ding utna/lunggulhna i lungsim a thamden ahihmanin mi enna lungtang lian in midangte bang

a om utna uang mahmah nawn hi. Midangte om bangbang a om theih ziahziah ding kisakna leh kinepna lungtang toh thil en pah, a et bang ua thil ana baihlam louh chiang a alungtang uh liam kha pah zel ahi hi. Midangte om bang a om utna in amau lungsim chauh liam sak lou in Nu-leh-pa kiang a thil phuut sang pah ahihmanin nu-leh-pate a ding in puakgik khat a suak zui lai hi.

Nidang in gan goh a nekgongte'n midang gan gou ngeiloute sang in tualthah poi a sa kei zaw uh i chih sek bang un tulai hangthakte' games kimawlte enkik lehang, a tangpi in galte uh tam a thah zoh peuh uleh a point uh pung hi. Tualthah, mi kaplup tam kituhna games ngen phial kimawl uh ahihman un khangthakte'n tualthah, mahni kithah pen nidanglai mite sang in ngam zaw tham uhi.

Taksa leh Kha zuak :

Pichingsa, upa lam deuhte gintak theih khol louh khat tuh taksa leh kha zuakna ahi. Hiai khovel setan thuneihna gam ah i gintak sangin

thil ana sang mahmah banah khovel i chih mihausate leh thuneihna lenkhate control hilim hi. Mipil misiam, mi hausa leh thuneihna leen khate'n midangte tawisang thei in, zuk niam thei lawtel uhi. Huaiziakin khovel pumpi a mi manthang tamtakte'n a minthan ut man un a taksa uh ki laan in, khenkhat ngial in a kha uh setan kiang ah laankhia uhi. Hiai bang thil om thei dia i gintak theih louh, social media a i muh, i sim khakte mah in i khotang hon luh in khangthak tamtakte'n sum deih ziakin a taksa uh zuak ua, mithan leh thilhihtheih ut ziaa a setan kiang a ana kithoih i gam ah i gintak sang in tamzaw ding hi. Nu-leh-pa tamtakin hiai bang thil hi thei dia le koih lou a, atak a tung hial dia a gintak theih louh lai un atak in tung hi.

Awle, bangtan hiam tuh nopsakna leh kipahna nei zel mahle uh chiklaipeuh a Pathian tate suse uttu setan in bel hauhna leh minthannate pe gige lou in minsiatna leh lungkhamna khukpi mah ah lut pih hi. Huai chiang in mi tamtakte mangbang in mahni kithahna tun a,

khenkhat lungtang nna a kuun in kap uhi.

Ngaihtuah khial :

Khenkhat in a ngaihtuah kheluh ahiehleh midangte gawtna dan a mahni kithahna ahi. Lungkhamna tuntute, amah puakgik guantute doukik ngam lou ahiehchiang a ahuate dou theihna omsun dan-a a ngaihtuah uh ahiehleh '*Ki that leng ahon bawlsete zum a zum ding uh, pawna petmah ding uh, choh petmah ding uh*' chih ngaihtuahna khangthak laite lungtang ah hat mahmah hi. Khristian huailou bang sim in hong pau leng! I huatte choh na dia ei kithah sang a, i huatte tung a phuba i lak theih hun a tunna dia 'dam' poimoh ahiehlam i ngaihtuah khiak khak louh uh thil poi ahi. I huatte, ei hon bawlsetute gelgawtna dia ei va sih laizang! Gawt kha lou, phuba la kha lou daih i hihdan khangthakte'n a ngaihtuah khiak uh kismahmah hi.

Mahni kihehpih luatna :

Mahni ki care ding hinapi in mahni kihehpih luatna pen gal lauhuai tak

ahi. Nu-leh-pate hon kep dan aguk a lungtung zou mahmah lou, ahiehkeileh nu-leh-pa kemtu ding na-ngawn neilou in mahni kihehpih lua in a guk a kapkap! Mahni kihehpihna uang mahmah neih nak kal a, midangte'n nak hehpih law zawzen in mi khat khasiatna va behlap sak deuhdeuh a om theih ahi.

Khatvei Utube ah Zawng (Monkey) tanchin ka en kha hi. Zawng Nu khat in a ta leilak ah taalkaih ek a, tui lak khawng ah sawtpipi diah tum zel ahiehman in zawngnou a hehpih huai petmah a, huai zawng nu pen hai sa in ka iplah lawtel hi. Himahleh Zawng (Monkey) suitute'n huai Zawng nu pen ahai hilou in a ta sinsak, a ta in amah thu kia a thil pai thei lou ahiehdan a theih na ding leh thuman dan a zil ngai, hehpih lua a nawi piak det mawk pen anuam lam kia kinep det theih ahiehman in Zawng in a ta sinsak ahi chih ahon gen hi. Oho! Ei lawi kikel dan bel '*Bawi... bawi...*' kichi ngut-ngut te i hiehman un i tate uh sinsak haksah, anuam lam kia kilamen uh ana hizaw hi chih hon phawh sak hi. Mahni

kihepih luat hiam, midangte hepih lua in ahilou tan a i va hepihna in mi hinkhua bawl hoih lou zaw in khase sak deuhdeuh in kingaihsiatna tun thei ahi chih phawk thak ding thil hoih mahmah ana hidan ahi.

Zumna :

A thiltuah zum huai sa, midangte'n amah houlimna a nei souh-souh ding a ngaihtuah, kholai pawt ngam nawn lou khop a zum, amah thuak dan kuamah in theihshiam pih pah lou, aman lah midangte hilh ngam lou, hiai in mahni kithahna tun thei hi. Exam lohsam, zawlgai kha, limlak hoihloupi khat viral kha etc! Mihingte i maingal dan kibanglou lua ahihmanin khenkhat adia bangmah hiloute na-ngawn khenkhat a dingin puklup top na tham ana ching zel ahihman in kimohsak mawk theih hilou hi. Midang tamtak exam ana fail, lohsam, zawl ana gai, limlak viral kha ana om ua, zumna ana phu mualsuah zou uh ahi chih ahun tak a theih a, i haksatnate midangte panpihna nget ngam ding thil poimoh petmah ahi hi.

Hegna control zoulou :

Pu Lalhruaitluanga in pasal toupi khat heh Chiang a khophawklou, a mai khak lamlam vua, kitom loiloi kichi pasal phatna hilou in, mental illness ahi a chi a, gen fuh ka sa mahmah hi. Heh Chiang a zi leh tate lausak, heh Chiang a nu leh pa lungkham sak, veng leh pam in buaipih ngai kichi pasal tuh mihai ahi. Mi'n hangsan, pa' thou ei a chih ding uh ut man a kihangsan sak tawm mihing a om sawn lai a, iplah huai tak ahi. Heh Chiang a nute lungkham sak, ki thah sawm dan a om i chih khawng pa' na hilou in, mawl na leh ngaihtuah kim louh zia k hilel zaw hi. I khotang in a zuh touh nilouh uh, thupina dan a i ngaih uh tuh kua hiam zukham poisak neilou khat omdan nuhzat huai sim khawng lawmta lak a gen in nuh pih nainai, huai i nuhipih dan a ei le om ut chihdan khat in pai mawk hi. Pasal pha, numei hangsante'n midang nat sak ding veng in, midangte vengbit ua, lungkhamna pe lou in kipahna pe zaw uhi. Huaiziakin khatvei ngaihtuah thak in mi piching, thuak hat, ki control thei mihing khat

suah ding tup a neih ding ahi. Heh Chiang, kham zek Chiang a inkuanthe buai, inkim in ahon buaipih laihlahi uh khawng thupina, pa-na hilou in, haina, mi phakzohlouhna khat hizaw a, thangpaih hun, heh hun a dai khinkhian thei mihing tuh mipiching leh etton huai hizaw hi.

Hinna khat :

Ei mah chiat hinkhua ngaihtuah kik chiat lehang! Hinna khat (mi khat) piankhiakna ding in thil tampi a kisutuah hi. Tamveipi, vuahzu daikai nuai a kihel nung in indongtaten mi nuai a kiniamkhiak tak in singpi a va khai ua, Pastor in kitenna a bawl a, saptuam mipi, inkim-inkiangte paikhawm in kitenna kipahpihna neih ahi a, nupa kal ki etkolna leh nasep tuamtuan akipan in hinna khat hong piangkha in, doctorte leh nursete'n buaipih in hun sawt tak kep touh ngit-nget ngai hi. Nu in a zun a ek siak in, amah gawng zen in nawitui a pia a, sun leh zan in a kem a, a awi ihmu zel hi. Hina piching khat hong piankhiakna ding in tha tampi kisutuah hi. Hiai hinna manpha tak, tha leh zung tampi, mi tampi subuai

kha hinna pen houchik a thah mai ding tuh nak pammaih law mahmah ahi. Pammaih chih inle gen zou lou, thah ding tup a neih louh himhim ding, manpha lua ahihchia hawisau ding dan kia ngaihtuah ngitnget ding a hoih hizaw mahmah hi.

Dr Hrekima, Psychiatrist in tualaita a taihilhna ah, *“Taihilh theih louh tuailai, taihilh zek Chiang a nuak tuailai chih khawng zumhuai ahi. Ki ngek sak law kei le, mittui pawt sak pah pelhpulh tuailai hiki deuh ngal le! Mahni kisit a kihhepih huai kisa bik zawzen lou in, khovel in a kentel haksatnate bang le phu ngam deuh ngal le hang! Dampih dia hoih lua itna zia khawng in sih tum neknak kei le! Duat ngai law bik tuailai hi ngal kei ni”* a chi hi.

Midang ngaihsak tuailai :

Na lungkhamna, na puakgikte thutuam, nang na ki it zoh nawn louh le thutuam lai in koih ni. Himahleh hinna kichi Pathian in khat leh khat kipanpih tuah, khosa khawm dia ahon bawl ahihmanin

na nu'n nang hon poimoh, na pa'n hon poimoh, na nau etkol ngaite'n nang mahmah hon poimoh uh chih na ngaihtuah ding ahi. Ki poimoh tuah lou hile bel sih hiau theih, kikh sese ngai khollou ahi. Himahleh nang midang na poimoh bang in, nang om ziaa a na insung nuamtuum ahih bang in na sungkuante'n nang poimoh chih tak in hon poimoh uh ahi chih na phawk ding ahi.

Poimoh hon sa kei uh, hon taitai uh, hon khentuam uh chih na muh leh na tulel thiltuah himai thei hi. Kam sung a Lei leh Ha a kipeh khak Chiang un kipoimoh tuah nawn lou ahi kei ua, omkhawm ahih ziaa ua khatveivei ki kei kha uh hizaw hi. Himahleh ha in a haizansa-te lei pansan a valh lut theih hilel in pangkhawm gige ua,

ki poimoh tuah gige zaw uhi. Nang lamet dan leh kinep dan a hon ki kol kha lou tadih ahihleh leng na sungkuante a ding a na poimoh hun hong tung ding a, nang ziaa a nuam a sak hun uh hong tung ding hi. Mary-te unau in a sanggampa uh Lazar damlauh lai a Jesu hong pai din a lamet petmah ua, Jesu lah ahong pai kei. Jesu hong pai ma in a si man a, a sih nung ni 4 liam nung in Jesu hong tung diangdiang pan hi. Damlou kaihthoh sang in misi kaihthoh thupi zaw ahihmanin Pathian in ni bangzah hiam ngak hilel zaw a, mihingten bel hong tung pah mai leh chih ki deihi. Himahleh Pathian program pen thupi zaw hi. Nang ahaksate veng pah leh na deihi a, a ven pah sang a thupi zaw Pathian in na tung ah hih ut nei ahi chih lamet inla, mailam ana zuanta in!



**PRESBYTERIAN CHURCH
IN INDIA (REFORMED)**
Hebron Veng, New Lamka – 795 006



**42ND GENERAL
ASSEMBLY**
with **PMF JOINT CONFERENCE**
Thuph: "Tawplou in thum un" - 1 Thes. 5:17

— Date: —
DECEMBER 05-07, 2025

— Venue: —
RAYBURN PRESBYTERIAN CHURCH

● **SPEAKERS**

- ≡ **Rev. Dr. Khen P. Tombing**
Chief Coordinator
- ≡ **Rev. M. Thangkhanmuan**
Coordinator (Missions & Institutions)

● **DEVOTION**

- ≡ **Rev. G. Suanzalam**
Coordinator (Ministries)

● **MISSIONARY CHALLENGE**

- ≡ **Evan. Nialthangzo**
Missionary (Sonapur)
- ≡ **Evan. M. Lianzamu**
Missionary (Tinigharia)

● **MISSIONS REPORT**

- ≡ **Evan. Thangvansang (FMPB)**
- ≡ **Mrs. Zamdonching (IEM)**
- ≡ **Ms. Kimngaihlian, (Vol. Jorhat)**

November 2025

HUN
1na

DECEMBER 05, 2025 (FRIDAY) 5:30PM

MIPI BIAKNA

↺ Biakna Pitu	: Pastor Kamdoumang Ngaihte
↺ Gelhluttu	: Elder Ginzuangthang Asst. Secretary, LPMF
↺ Khawmpi Honna	: Elder S. Khamminthang Moderator, GA 2025
↺ Phatkhawmna	: Praise Team
↺ Vaidawwna	: Rev. (Retd.) TS Thangta Chairman PMF, C/B
↺ Report	: Rev. Dr. Khen P. Tombing Chief Coordinator
↺ Phatna Lapawl	: Gangpimual PC Mualkoi PC
↺ Report & Thugenna	: Rev. M. Thangkhanmuan Coordinator (Miss. & Inst.)
↺ Phatna Lapawl	: Engedi PC Bethel PC
↺ Missionary Report	: Mrs. Zamdonching, IEM
↺ Phatkhawmna	: Praise Team
↺ Vualzawlina	: Rev. G. Vungsangmung Superintendent, SP

HUN
2na

DECEMBER 06, 2025 (KIGINNI) // 7:00 AM - 4:00 PM

GENERAL ASSEMBLY | BUSINESS SESSION

➤ ELECTION

- Chief Coordinator
- Coordinators
- Presbytery Superintendents
- GA & GAWC Officers
- PAC Members (2)

➤ PRESIDING OFFICER

- Pastor H. Chinthiansong

➤ POLLING OFFICERS

- Pastor V. Suankham
- Elder C. Biaklun
- Pastor K. Muankim
- Elder V. Nunlian
- Pastor G. Paukhansiam
- Pastor Int. H. Lamkhanlian
- Pastor K. Khaikhanpau
- Pastor Int. Kapsuanmung

HUN
3na

DECEMBER 06, 2025 (SATURDAY) 5:30PM

MIPI BIAKNA

↪ Biakna Pitu	: Pastor K. Zamkhansuan
↪ Gelhluttu	: Deacon S. Johnson Asst. Secretary, SLPMF
↪ Patna Thumna	: Elder S. Thanglianmang
↪ Phatkhawmna	: Praise Team
↪ Phatna Lapawl	: Rayburn PC Vaalveng PC
↪ Missionary Challenge	: Evan. Lianzamuana Tinigharia
↪ Phatna Lapawl	: Lungthul-T PC Zion PC
↪ Missionary Report	: Evan. Thangvansang, FMPB
↪ Phatkhawmna	: Praise Team
↪ Vualzawlina	: Rev. T. Liankholal Superintendent, TP

HUN
4na

DECEMBER 7, 2025 (SUNDAY) | 7:00 AM

DEVOTION

Pitu:

Rev. G. Suanzalam
Coordinator (Ministries)

**HUN
5na**
**DECEMBER 7, 2025 (SUNDAY) 10:30AM
LITURGICAL WORSHIP**

✠ Biakna Pitu	: Rev. Dr. G. Pau Muanthang
✠ Gelhluttu	: Elder Suangoumang Asst. Secretary, TPMF
✠ Phatkhawmna	: Praise Team
✠ Phatna Lapawl	: Singngat PC Zenhang Lamka PC
✠ Missionary Thohlawm Lantu	: PMF Central Board : Rev. K. Dongkhankhup Superintendent, LP
✠ Phatna Lapawl	: Bethany PC PCI (R) CC
✠ Kum Thupi Puanna & Thugenna	: Rev. Dr. Khen P. Tombing
✠ Recognition & Thanksgiving	: Rev. M. Thangkhanmuan
✠ Pastor Emeritus Piakna	: Rev. G. Suanzalam
✠ Phatkhawmna	: Praise Team
✠ Vualzawlina	: Pastor K. Goukhansiam Guite

**HUN
6na**
**DECEMBER 7, 2025 (SUNDAY) | 1:30 - 2:30 PM
Fellowship & Interaction**
with Missionaries
Participants:

• Local PMF Member teng	• Presbytery PMF Member teng
• PMF Central Board Member teng	• Mimal a lunglut kuapeuh
✠ Pitu	: Pastor TK Shyam Valte
✠ Patna thumna	: Pastor Ngamtinthang
✠ Fellowship & Interaction	: Rev. M Thangkhanmuan
✠ Missionaryte thumsakna	: Elder TK Mung

**HUN
7na**
DECEMBER 7, 2025 (SUNDAY) | 05:30PM
MIPI BIAKNA

- ✚ Biakna Pitu : **Pastor K. Thangmuanlal**
- ✚ Gelhluttu : **Deacon Lianmung Munluah**
Asst. Secretary, SPMF
- ✚ Patna Thumna : **Elder K. Paukhanmang**
- ✚ Phatkhawmna : **Praise Team**
- ✚ Missionary Thohlawm :
Lantu : **Rev. KC Thang Gualnam**
Superintendent, SLP
- ✚ Phatna Lapawl : **Olive PC**
Mata PC
- ✚ Missionary Challenge : **Evan. Nialthangzo, Sonapur**
- ✚ Phatna Lapawl : **C. Tuiveljang PC**
PCI (R) CC
- ✚ Missionary Report : **Ms. Kimngaihlian, Jorhat**
- ✚ Khawmpi report & Kipahthu Genna : **Elder KP Vanlalsang**
Rec. Secretary, GA 2025
- ✚ Commissioning Service : **Pastor (Retd.) PL Thanga**
- ✚ Phatkhawmna : **Praise Team**
- ✚ Khawmpi Khakna : **Pastor M. Khamlianmang**
Moderator GAWC 2025

✚ GA OFFICERS 2025

- Moderator : Elder S. Khamminthang
- Vice Moderator : Elder B. Lutthinthang
- Rec. Secretary : Elder KP Vanlalsang
- Asst. Rec. Secy. : Elder K. Zamzalian

✚ GAWC OFFICERS 2025

- Moderator : Pastor M. Khamlianmang
- Vice Moderator : Elder Langkhanpau Guite
- Rec. Secretary : Rev. Dr. Khen P. Tombing
- Asst. Rec. Secy : Rev. G. Suanzalam

GAWC COMMITTEE MEMBERS FOR 2026**GA OFFICERS**

Moderator : Elder S Khamminthang
 V/Moderator : Elder B Lutthinthang
 Secretary : Elder KP Vanlalsanga Khuptong
 Asst. Secy : Eld. K. Zamzalian

GAWC OFFICERS

Moderator : Pastor M Khamlianmang
 V/Moderator : Elder Langkhanpau Guite
 Secretary : Rev. Khen P. Tombing (Hd office)
 Asst. Secy : Rev. G. Suanzalam (Hd office)

LP OFFICERS

Moderator : Eld. T. Kamsanglian
 Secretary : Rev. K. Dongkhankhup

LPWC OFFICERS

Moderator : Elder S Thangsuanmang

GAWC PALAI 2-TE

01. Elder KP Vanlalsanga
 02. Elder Suanpau Guite

SLP OFFICERS

Moderator : Elder S Khamminthang
 Secretary : Rev. G. Kamchinthang

SLPWC OFFICERS

Moderator : Elder S Thanglianmang

GAWC PALAI 2-TE

01. Elder Son K Tombing
 02. Elder T Piangkhanpau

SP OFFICERS

Moderator : Elder G. Thangbiaklian
 Secretary : Rev. G. Vungsangmung

SPWC OFFICERS

Moderator : Elder Letpao Guite

GAWC PALAI 2-TE

01. Elder G Vungsuan
 02. Elder Nengzamawi

TP OFFICERS

Moderator : Elder KD Hangshing
 Secretary : Rev. T. Liankholal

TPWC OFFICERS

Moderator : Elder Lemthang

GAWC PALAI 2-TE

01. Elder TK Zama
 02. Elder V Pumminthang

PAC MEMBER

Rev. TS Thangta & Elder T Khupzadou

Autonomy Body-te (Chairman/Secretary)

ReST : Chairman	Rev. Dr. Khen P Tombing
Secretary	Rev. G. Paumuanthang
PMF : Chairman	Rev. T.S. Thangta
Secretary	Rev. M Thangkhanmuan
CCH : Chairman	Rev. Dr. Khen P. Tombing
Secretary	Elder Son K. Tombing
R/C : Chairman	Eld. Langkhanpau Guite
Secretary	Rev. Khen P. Tombing
R/H : Chairman	Rev. Khen P Tombing
Secretary	Mr.H. Pauzaman
AA : Chairman	
Secretary	Eld. L. Hangthanmang
Music : Chairman	Rev. Kham T. Valte
Secretary	Rev. M. Thangkhanmuan
PMI : Rev. Dr. Khen P Tombing	
	Rev. Dr. Pau Muanthang
Suptds.: Rev. K Dongkhankhup	
	Rev. M Thangkhanmuan
	Rev. G. Vungsangmung
	Rev. T Liankholal



SOUTHLAMKA PRESBYTERY MISSION FELLOWSHIP HOTDAMNA CHIALPI REPORT

South Lamka Presbytery Mission Fellowship imalakna in Street Cry Ministry (khamtheih hihte kepna) ah September 8-14, 2025 sung in “NA DAMNUAM HIAM? John 5:6” chih thupi a nei in Hotdamna chialpi kinei hi. Speaker in Rev. G. Kam Cin Thang, South Lamka Presbytery Superintendent pang hi. Inmates 172 te lakah numei leh pasal tampitak in Hotdam kitheihchianna nei in 35 in Baptisma tang uhi. September 14, 2025 Sunday in Baptisma atan uh ban ah Sacrament zong neikhawm ngal uhi. Topa amah leh amah hong kitawisang in lawhchihna hong musak ahihman in Topa’min phatin om hen. I thumna ah amaute phawk zom zel ni hang!

- Rev. G. Kam Cin Thang
Superintendent
South Lamka Presbytery



PCI Messenger



Thanlon Presbytery Khawmpi
October 3-5 sung zat in om a,
lohching tak a zoh ahi.

Telching thak a om Thanlon Presbytery vaipawte :

Moderator : Elder K.D.Hangsing, Songtal
Vice Moderator : Elder Ginzamuan, Mimbung
Secretary : Superintendent, Thanlon Presbytery
Asst. Secretary : Elder Thanglamchin, Mimbung

GAWC Palai

Elder V Pumminthang
Elder TK Zama

TPWC :

Moderator : Elder T.Lianlemthang, Thanlon
Vice Moderator : Elder T.Hangsing, Songtal
Secretary : Superintendent, Thanlon Presbytery
Asst. Secretary : Elder Goumang, Songtal



Singngat Presbytery Khawmpi
October 3-5 sung zat in om a,
lohching tak a zoh ahi.

Telching thak a om Singngat Presbytery vaipawte :

Moderator : Elder G. Thangbiaklian, C. Tuivel
Vice Moderator : Elder T Ginzalal, Singngat
Secretary : Superintendent, Singngat Presbytery
Asst. Secretary : Deac Lamkhansiam, C Tuivel

GAWC Palai

Elder G Vungsuan
Elder G Nengzamawi

SPWC :

Moderator : Elder Letpao Guite, Bethany
Vice Moderator : Elder L Khupdoulain, Singngat
Secretary : Superintendent, Singngat Presbytery
Asst. Secretary : NP bang a kumthak a guan ding



Lamka Presbytery Khawmpi
October 3-5 sung zat in om a,
lohching tak a zoh ahi.

Telching thak a om Lamka Presbytery vaipawte :

Moderator : Elder T Kamsanglian, Bungmual PC
Vice Moderator : Elder T Zuanthang, Zion PC
Secretary : Superintendent, Lamka Presbytery
Asst. Secretary : Elder T Paulalsiam, Bethel PC

GAWC Palai

Elder G Suanpau
Elder KP Vanlalsang

LPWC :

Moderator : Elder S Thangsuanmang, Elim PC
Vice Moderator : Elder K Thangkhojam, Olive PC
Secretary : Superintendent, Lamka Presbytery
Asst. Secretary : Elder K Zamzalian, Engedi PC



South Lamka Presbytery
Khawmpi October 3-5 sung
zat in om a, lohching tak a zoh
ahi.

Telching thak a South Lamka Presbytery vaipawte :

Moderator : Elder S Khamminthang, Mualkoi
Vice Moderator : Elder T Paukhanthang, Mualkoi
Secretary : Superintendent, SLP
Asst. Secretary : Elder Dalsianmung, Thingkangphai

GAWC Palai

Elder T Piangkhanpau
Elder Zamkhum

SLPWC :

Moderator : Elder S Thanglianmang, Mata
Vice Moderator : Elder H Thanglun, Gangpimual
Secretary : Superintendent, SLP
Asst. Secretary : SP dungzui a guan ding



- Nov. 01 : Kha thak, hun thak hon pia Toupa kiang ah kipahthu gen ni. Tu kha thupi “*Siamsinna leh tate adia thumna*” lohching tak a i zatna ding in thumni.
- Nov. 02 : Tuni Sundasy school kumtawp exam saptuam pumpi a neih hi ding. Sunday School sinlaite athak a sa leh kha a i hamphat pihna ding in thum thak ni.
- Nov. 03 : Tuni in November kha thupi “*Siamsinna leh tate adia thumna*” ahilh mah bang in i tate a ding in thumsak chiatni. I kha thupi toh kituak in anuai ah kha lui a thumna point dia i koih, naupangte toh kisai i koih suk lai hi.
- Nov. 04 : Tuni in Covenant Children’s Home a semtute leh naupangte a ding bik in thumsakni.
- Nov. 05 : Tuni in Rayburn High School a semtu Teacher-te leh Naupangte a ding bik in thumsakni.
- Nov. 06 : Tuni in Covenant School a semtu Teacher-te leh Naupangte a ding bik in thumsakni.
- Nov. 07 : Tuni in Rayburn College a semtu Teacher-te leh Naupangte a ding bik in thumsakni.
- Nov. 08 : Tuni in Rayburn High School, Singngat a semtu Teacher-te leh Naupangte a ding bik in thumsakni.
- Nov. 09 : Tuni in PCF Sunday ahi. Sunday School a sinsaktute thumsak in, amaute ziakin leng kipahthu gen in vualzawl na tamsem a donna ding un thumsakni.
- Nov. 10 : Tuni in Agape Babies Home a semtu Teacher-te leh Naupangte a ding bik in thumsakni.
- Nov. 11 : Tuni in PCI Village School a semtu Teacher-te leh Naupangte a ding bik in thumsakni.

- Nov. 12 : Sawm a khat, Ginna thuchiam leh thilpiakte a kiphal seem leh thilpiak a hausa saptuam i hih ua, mimal chih in thilpiak i ngaih poimoh na ding un thumni.
- Nov. 13 : Tuni in singtangmi khotang makai khempeuh a ding in thumsakni. Kituahna, itna leh chihtakna, gam itna taktak lungtang a neih na ding un.
- Nov. 14 : Tuni in khovel pumpi a missionary nasepna toh kisai khempeuh thumsakni. A min i theihthe lou in amau leh a inkuante a ding in thumsak ni.
- Nov. 15 : General Assembly -cum- PMFJC 2025 ding toh kisai a mohpuakna leente, GA vaihawmna leh program lohching tak a i zat theih na ding un thumni.
- Nov. 16 : Tuni Thanks Giving and Day of Prayer ahi. Vualzawlina simsen louh i tante, i inkuante, i saptuamte leh i nam hihna chiat uah Toupa kiang ah kipahthu gen ni.
- Nov. 17 : Rev. Dr. Khen P. Tombing ah zin lel hi. Project a guante toh lohching tak a ahong tun na ding in thumsakni.
- Nov. 18 : Tuni in ReST a semtute leh studentte a ding bik a thum in maban lamzang tak a ahon sawn touh zeel theih na ding un thumsakni.
- Nov. 19 : Tuni in Damdawiin a semtu doctor leh nurse khempeuhte a dingin thahatna, felna, dohzohna leh nunnemnate ngetsak in Toupa panpihna ngetsakni (Repeat)
- Nov. 20 : Tuni in Churachandpur DC pa, SP leh Army Officer khempeuh a dingin Toupa pina ngetsakni (Repeat)
- Nov. 21 : Tuni in Kani lei bawlte khempeuh thumpihni. A hong pianthak theih na ding un leh i gam a khamtheih hih nasatak a pung ahihmanin Pathian kiang ah damna ngen ni.
- Nov. 22 : I gam a Kha nasep, Khalam halhthakna thupitak ahong tun na ding in thumni.
- Nov. 23 : Tuni in mahni local chiat a Pastor leh Upa thaunilhna tangte, a inkuante a ding bik in Kha thopna ngetsakni.

- Nov. 24 : Tu ni in khovel a khalam halhthakna pungtou zel zia kin Toupa kiang ah kipahthu gen in, mailam ah leng khovel in a Kha polhna a tan zelna ding in thumni.
- Nov. 25 : Tuni in Government Office tuamtuam a semtu Khristian hikhate'n khristian huai tak a ahon sep touh zeel theih na ding un thumsakni.
- Nov. 26 : Tuni PCI Village Schoolte'n final exam pan ding uhi. Semtu leh naupangte thumsak in, siamsinna a ahong lamzan zeel theih na ding un thumsakni.
- Nov. 27 : Tuni in khovel a Zomi omte, i tenna gam khenzak a om pen Toupa'n ahon gawm sak na ding in thu ngenni.
- Nov. 28 : I gam a luidungte kep dan, it dan thei a, luidung manphatna theisiam a i khanloh na ding un thumni.
- Nov. 29 : Tuni in Presbytery khawmpite a Upa ordination tangthakte leh a inkuante a ding bik in thumsakni.
- Nov. 29 : Tuni in khat leh khat ki thum pih in, itna a gah ding leh kuapeuh kiniamkhiak a i om theih na ding un thumni.
- Nov. 30 : Khatawp tan hon pikaitu Toupa kiang ah kipahthu genni.

KIPAH THUGENNA

Sept 28: Mata Presbyterian Church in KOI A OM NAHIA chih thupi a nei in Sept 26-28, 2025 sung HALHTHAKNA CHIALPI NEIH a om pen Pathian pina toh Sept 28, 2025 nitak 7:30 in Lohching tak in kizou hi.

Hiai HALHTHAKNA CHIALPI hun in Rev. G. Suanzalam, Coordinator (Ministries) in thutak genna nei a, Saptuam mipi tamtak in Phattuam na kinei hi.

Chialpi hun sung a Sum-leh-Pai a hong pang ban ah, Saptuam Sik-leh-Tang a, Thugentu Ankuang hon bolsak Pa Ginpi leh a Innkuante tung ah kipah na lian mahmah hi. Toupa'n a tamsem in vualzawl leh chih i thumna uh ahi.

Chialpi hun sung a thutak a honvak i Heutupa piak zoh kinei kei mahleh, Pathian in mailam hinkhua ah, vualzawl na tamtak hon piaksak leh chih Saptuamte THUMNA ahi.

Chialpi lohching tak a, hon zousak i Biak Pathian in Thupi na Tengteng tangta hen.

Saptuam Sik in

1. Elder Thanglianmang Moderator,
2. Elder T. Piangkhanpau

If undelivered, please return to:

The Editor

PCI Messenger

P.O. Box-32. Presbyterian Church in India (Reformed)

Head office : New Lanka (H) 795006

Manipur, INDIA

BOOK POST

to:



REFORMED SCHOOL OF THEOLOGY

8th GRADUATION PROGRAM 2025



Hong tung ding
December 3, 2025 in
Christ Chapel, ReST Campus, Mata ah
8th Graduation Program akizat hun a
hongtel ding in ngainatakin ka hon chial hi
Principal

